



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1508. usque ad annum 1513

Fleury, Claude

August. Vind. [u.a.], 1769

VD18 90118456

§. 103. Novum Fœdus Cæsarem inter & Galliarum Regem.

[urn:nbn:de:hbz:466:1-66433](#)

Sæcul. XVI. aureorum millia reliquerat, cum igitur
A. C. 1510. has pecunias spolii jure postularet Pontifex, Rex vero negaret, novum indignationis, vel saltem querelæ argumentum Julio inde enatum est (*).

§. CIII.

Novum Fœdus Cæsarem inter & Galliarum Regem.

**Ferron. in
Lud. XII.**

Sub idem tempus ambo exercitus ex Germanis, Gallisque conflati continuis velitationibus Venetos in Patavino ac Vicentino agris fatigabant, ac nonnullas urbes ad ditionem compellebant, interea vero Cæsarei exercitus, qui lentius incedere videbatur, adventum præstolabantur. Ceterum Maximilianus non ita pridem novum cum Ludovico Rege fœdus pepigit, quo caustum, I. Galliarum Rex non nisi ordinarios belli sumptus penderet; II. Calvimontius in Veneta continentis ditione usque ad decimam quintam Augusti hæreret, indeque nonnisi evoluto hoc temporis intervallo Galliarum copias educeret; III. Ludovicus Maximiliano censem

(*) Cum hic Cardinalis Lugduni in Galliis mortuus fuerit, ibidemque Papis, eorumque Legatis, nequidem decimas pro bello Turcico colligere licuerit, quis credat, Papam tam opima spolia petare ausum?

tum aureorum milia mutua daret, ea le- Sæcul. XVI.
A.C. 1510.
ge, ut hic Veronam pignoris loco cede-
ret, donec parem Regi summam repen-
disset. Hujus foederis pacta ex urbe Pa-
risiensi delata fuere ad Calvimontium, eo
ferme tempore, quo is ad suam Præfe-
turam redditurus, sese itineri accinxerat,
igitur hæc pacta exequi jussus, Anhalti-
no Comiti significavit, velle se copias su-
as Cæfareis jungere, ut ambo urbem,
quæ ei magis expedire videretur, junctis
viribus aggredierentur. Opportune etiam
Dux Thermenis quadringentos Lancea-
rios ex Hispania adducebat, quos Rex
Catholicus ex lege Cameracensis foederis
suppeditabat; igitur hisce suppetiis aucti,
an ex sententia Maximiliani Patavium ob-
sideretur, deliberarunt; verum præpla-
cuit, Montem Selicem, exiguum urbem
Athesin inter & Patavium sitam adoriri.

§. CIV.

*Urbs Montis Selicis a foederatis ob-
sessa, captaque.*

Attamen infausta erant hujus obsidionis Bembo l. 10.
auspicia; tot enim ex foederatorum Guicciardini l. 9.
exercitu desiderati sunt milites, ut nil
propius erat, quam quod obsidio solveretur.
Acuit tamen oppugnantium constantiam
ulciscendi libido, quippe Crittus Sonzi-
num Benzonem ab exploratoribus ca-
ptum